

Pedro Vera, Director

Ta premira cu St. Regis Hotels & Resorts Aruba lo keda cla na 2022

** Area rond di e hotel lo wordo embeyece, segun acuerdo cu Gobierno*

ORANJESTAD (AAN): Diamars mainta representantenan di St. Regis Hotels & Resorts Aruba a yama un rueda di prensa pa asina duna mas detaye relaciona cu e proyecto hotelero aki.

Pedro Vera, Director di e

proyecto, a bisa cu e concepto di e hotel ta desaroya na Merca pa un compania aproba pa Marriott.



St. Regis ta un marca propiedad di Marriott Hotels cu a wordo adkiri na momento cu Marriott a adkiri e grupo Starwood.



Marriott a adkiri 11 marca, entre nan e marca St. Regis, Vera a indica.

Pa desaroya e hotel a tene cuenta cu e elementonan autoctono di e isla manera lama, naturaleza, etc, a splica.

Den e master plan, e hotel tin como bisiña e hotel Riu Antillas y na otro banda tin e parke publico cu sem-



per tabata tey. E acceso na lama ta bay wordo manteni. Den nan compromiso cu gobierno, Pedro Vera a bisa, ta e renobacion/embeyecimento/mantenimiento completo di e parke como tambe e construcion di un strand polietileno nobo mas moderno, duna mantenimiento na e area unda ta duna zwemlen y integra esaki den e paisahe rond di e parke cu e hotel. E master plan a wordo aproba caba door di DOW y ta inclui e construcion di un basketball court nobo, un parkinglot mas amplio (di 84 pa 140 vak), palapanan nobo, acceso nan, paradanan di bus, entre otro.

St. Regis ta un marca cu ta data di 1800 desaroya pa e famia Astor. E idea ta genera un hotel di luho di 5 strea, un hotel boutique cu 200 chamber (2 suite presidencial) cu bista directo na lama. Tambe lo conta cu 22 residencia (no pa biba, pero estilo apartamento). Ta conta cu un spa, un premium restaurant, un casino, un speciality restau-

rant ubica na un altura di 40 meter. Ballroom, varios 'infinity pool'.

E hotel mes tin un altura di 42 meter. Esey tabata parti di e negociacion cu e gobierno, ya cu e proyecto original tabata cu mas altura y tambe cu mas chamber.

Vera a sigui splica cu e inversion total den construcion so ta rond di 230 milyon florin. Ta calcula cu e proyecto lo keda cla den e di tres trimester di 2022.

Actualmente tin trabaoonan tumando lugar relaciona cu e movimiento di tera y estructura, cual ya caba ta den construcion. Ta espera cu pa fin di aña por tin e estructura totalmente ariba pia.

Segun Vera, e desaroyadorman no tin ningun permiso pa trece trahadorman di afo. E trahadorman lo ta hende local y semper lo tin trahadorman specifico como teconican di casino of pa e software di Marriott cu lo bin hende di afo. Pero esey ta trabaoonan hopi specifico, a remarca.